



春秋列國論卷之十七目錄

許姜姓與齊同族武王封文叔于許自許叔至穆公凡十三世始見于春秋

莊公

穆公

僖公

昭公

靈公

許男斯

元公論一則

右論一則



春秋列國論卷之十七目錄

春秋列國論卷十七

明 婁東張溥西銘父著

許

姜姓男爵出自炎帝之後堯四岳伯夷之子也周武王封其苗裔文叔於許以續大岳之嗣地在潁川郡許昌縣春秋時國小近鄭再滅之以爲俘邑後附楚靈公遷于葉今河南南陽府鄧州葉縣悼公遷于城父卽夷本陳地楚改名夷屬譙郡今直隸鳳陽府亳縣東南七十里又遷于白羽卽柝今南陽府鄧州內鄉縣許男斯遷于容城自文叔十

一世始見春秋後元公子結元年獲麟至戰國為  
楚滅地里志云二十四世為楚所滅

莊公隱十一年奔衛鄭人立其弟穆公

一隱十年夏公會鄭伯于時來秋七月壬午公及齊侯鄭  
伯入許

穆公

即許叔名新臣莊公弟隱十一年鄭伐許  
莊公奔衛鄭悉有許之土地乃立許叔居  
許東偏以奉其祀居東偏十五年方復國  
復國四十二年共五十七年卒謚法布德

執義  
曰穆

桓十年夏許叔入于許公會齊侯于艾

莊十年冬十有二月會齊侯宋公陳侯衛侯鄭伯許男

滑伯滕子同盟于幽

二十九年夏鄭人侵許

僖四年春王正月公會齊侯宋公陳侯衛侯鄭伯許男

曹伯侵蔡蔡潰遂伐楚次于陘 夏許男新臣卒

葬許穆公

僖公

名業穆公子魯僖五年即位文五年卒在  
位三十三年謚法小心畏忌曰僖

僖四年冬十有二月公孫茲帥師會齊人宋人衛人鄭

人許人曹人侵陳

五年夏公及齊侯宋公陳侯衛侯鄭伯許男曹伯會王

世子于首止

春秋列國通志卷十七  
六年秋楚人圍許諸侯遂救許

八年春王正月公會王人齊侯宋公衛侯許男曹伯陳世子款盟于洮鄭伯乞盟

九年夏公會宰周公齊侯宋子衛侯鄭伯許男曹伯于葵丘

十年夏齊侯許男伐北戎

十三年公會齊侯宋公陳侯衛侯鄭伯許男曹伯于鹹

十五年春楚人伐徐三月公會齊侯宋公陳侯衛侯鄭伯許男曹伯盟于牡丘遂次于匡公孫敖帥師及諸侯之大夫救徐

十六年冬十有二月公會齊侯宋公陳侯衛侯鄭伯許

男邢侯曹伯于淮

二十一年秋宋公楚子陳侯蔡侯鄭伯許男曹伯會于孟執宋公以伐宋

二十二年夏宋公衛侯許男滕子伐鄭

二十七年冬楚人陳侯蔡侯鄭伯許男圍宋十有二月甲戌公會諸侯盟于宋

二十八年冬諸侯遂圍許曹伯襄復歸于曹遂會諸侯圍許

二十九年公至自圍許

三晉人陳人鄭人伐許

文公五年冬十月甲申許男業卒

六年春葬許僖公

昭公名錫我僖公子文六年即位宣十七年卒在位三十年謚法昭德有勞曰昭

文九年春三月楚人伐鄭公子遂會晉人宋人衛人許

人救鄭

十四年夏六月公會宋公陳侯衛侯鄭伯許男曹伯晉

趙盾癸酉同盟于新城

宣十七年春王正月庚子許男錫我卒 夏葬許昭公

靈公名甯昭公子成元年即位襄二十六年卒在位四十四年謚法亂而不損曰靈

成三年夏鄭公子去疾帥師伐許 冬鄭伐許

四年冬鄭伯伐許

五年左傳夏許靈公愬鄭伯于楚

九年冬鄭人圍許

十四年秋鄭公子喜帥師伐許

十五年冬許遷于葉

襄十六年夏叔老會鄭伯晉荀偃衛甯殖宋人伐許

二十年冬楚子蔡侯陳侯許男伐鄭

二十六年秋八月壬午許男甯卒于楚 冬楚子蔡侯陳

侯伐鄭 葬許靈公

悼公

各買靈公子襄二十七年即位 在位二十四年 弒謚法年中早天曰悼

襄三秋鄭良霄出奔許自許入于鄭

昭元年春叔孫豹會晉趙武楚公子圍齊國弱宋向戌

衛齊惡陳公子招蔡公孫歸生鄭罕虎許人曹人

于號

四年夏楚子蔡侯陳侯鄭伯許男徐子滕子頓子胡子

沈子小邾子宋世子佐淮夷會于申 秋七月楚

子蔡侯陳侯許男頓子胡子沈子淮夷伐吳執齊

慶封殺之遂滅賴

左傳

春王正月許男如楚楚子止之遂止鄭伯復

田江南許男與焉

五年冬楚子蔡侯陳侯許男頓子沈子徐人越人伐吳

昭九年春許遷于夷

十八冬許遷于白羽

十九夏五月戊辰許世子止弒其君買 冬葬許悼

公

許男斯

悼公子世子止弟昭二十年即位 在位十九年為鄭滅

昭二十三年秋七月戊辰吳敗頓胡沈蔡陳許之師于雞

父

定四年春三月公會劉子晉侯宋公蔡侯衛侯陳子鄭

伯許男曹伯莒子邾子頓子胡子滕子薛伯杞伯

小邾子齊國夏于召陵侵楚 夏許遷于容城

六年春王正月癸亥鄭遊速帥師滅許以許男斯歸

元公

名成公羊作成汪氏以為即斯年表以斯元公成在位二十二年謚法始建國都

元曰

哀元年 春楚子陳侯隨侯許男圍蔡

十三年 夏許男成卒 秋葬許元公

魯隱鄭莊時來之會謀伐許也夏會而秋伐公與齊

侯鄭伯遂入許許莊奔衛許固炎帝之後四岳之胤

無罪而諸侯入焉其誰欲之蓋鄭志也許密邇鄭地

在必爭猶魯顯史之於費也鄭莊陰狡連齊魯伐許許既入矣齊以許讓魯魯不敢受致之於鄭鄭伯使

許大夫百里奉許叔居東偏公孫獲處西偏外為好

言而內實攘之終鄭莊之世許未復也鄭莊公卒突

忽交亂許叔遂自入其國居之魯桓公會齊襄公於

艾以定之叔則乘亂而復國齊魯則定許以撓忽也

齊桓會幽許男同盟序先滕滑久之楚伐鄭鄭侵許

許遂專從中國侵蔡伐楚皆從行焉穆公棄世僖公

即位侵陳與師首止與會奉伯益謹既而鄭文逃盟

齊桓正伐圍鄭新城楚成救鄭乃先圍許諸侯救之

楚師乃還許雖小國介楚鄭之間鄭而適楚楚而援



鄭必先得許中國欲制鄭無適楚欲離楚無援鄭亦  
必先得許是以楚人救鄭圍許而鄭圍自解諸侯惡  
鄭救許而楚師自退不爭新城而爭許皆審勢也洮  
之盟葵丘之會北戎之伐與夫會鹹以謀王室盟牡  
丘以救徐會淮以謀鄆許無不與以彼之微貢賦不  
及滕薛師旅不及邾莒齊桓鄆小夫豈不念而屢勞  
無已者亦以伐鄭救許夷夏所觀既定伯而震楚勢  
不能復逸許也齊桓薨而僖公有二心許遂見惡於  
中國矣今年附楚以伐宋襄明年黨宋以伐鄭文未  
幾又從楚圍宋盟宋反覆無信堅於卽夷宜乎晉文

主伯諸侯咸奮率師合圍也許在春秋事之多見者  
莫如僖公人之善變者亦莫如僖公踐土河陽之會  
諸侯兩朝王所許距甚近不脩起居諸侯朝畢而往  
圍歸曹伯而復往圍誠義討也許兩受圍翟泉之盟  
公然不至晉襄公繼伯又合三國之師伐之及僖薨  
昭繼惟救鄭之役新城之盟僅俯首焉靈公立而許  
又從楚矣鄭襄公不勝其憾數年之間圍伐者四許  
懼而遷葉伐猶不止靈公往愬竟死於楚讐鄭抗晉  
何其決也許穆公之從齊桓也次于陘卒于師爲伐  
楚也靈公之從楚康也赴于楚卒于楚請伐鄭也同

春秋左傳卷之二十一  
一客死而穆公死義靈公死忿謀之不臧遠愧乃祖  
矣○然許雖恃楚楚實未可恃也○許靈之世四受鄭兵  
楚皆不問○惟魯襄二十四年始一伐鄭及許靈卒于  
楚○又一出師其言曰姑以慰死者亦未致深怒加痛  
伐也○靈公以後會虢會申伐吳滅賴許惟楚役楚何  
嘗爲許報哉○蓋許固託楚而鄭亦楚與鄭大許小楚  
欲得鄭甚於得許○字下相爭坐觀勝負非所急也○且  
許靈公遷於葉悼公遷於夷又遷於白羽許男斯遷  
於容城國凡四遷皆出楚命葉在楚方城之北楚旣  
憐許而命之遷矣○亡何楚欲以葉爲方城外蔽則又

命之遷夷夷本曠土許人依焉楚又欲城章華之臺  
而有之則又命遷白羽白羽近於群蠻非人所居許  
稍墾治則又命遷容城剪荆築室歲無寧居許經四  
遷不能復國鄭游速乘之遂虜許男斯以歸虜許男  
者鄭致許亡者未必非楚也○鄭事晉楚苟安已幸必  
欲虐許迫之南遷勾吳强大楚昭方衰許斯從會召  
陵以求晉庇鄭宜亟進與之同好又乘晉弱俘囚許  
君是何心乎○春秋惡鄭簡滅許之暴益傷許僖託楚  
之愚究許斯執時許地已盡入楚鄭所執者獨一斯  
耳旣非鄭莊入許之日得許可以益鄭又非齊桓救

春秋左傳卷之二十一  
許

春秋列國論卷十七終  
許之日得許可以制楚也

春秋列國論卷十七終

春秋列國論卷之十八目錄

邾邾姓顓頊有陸終生六子弟五日安期武王封期裔挾為附庸十一世儀父始見春秋

邾子克

邾子瑣

文公

定公

宣公

悼公

莊公

隱公

桓公

右論一則

春秋列國論卷之十八目錄

春秋列國論卷十八

明 婁東張溥西銘父著

邾

按魯穆公改邾曰騶字同鄒在今鄒縣之東南騶山記曰邾城在山南去山二里城東門外有韋賢墓北有嶧山

曹姓子爵出自顓帝玄孫陸終第五子曰安賜姓為曹其子孫亦以姓為氏周武王封其苗裔挾于邾為附庸魯國騶縣是也鄭云兗州仙源東南四十里古邾城是也挾以下至儀父克入春秋後數從齊侯尊周進爵為子十四代孫文公徙于繹今兗州鄒縣北嶧山是也桓公韋之二十九年獲麟

後八世為楚并

邾子克 字儀父莊十六年卒

隱元 春三月公及邾儀父盟于蔑

五年 秋邾人鄭人伐宋

七年 秋公伐邾

桓八年 秋伐邾

十五年 夏邾人牟人葛人來朝

十七年 春二月丙午公會邾儀父盟于越 秋及宋人

衛人伐邾

莊二年 夏公子慶父帥師伐於餘丘

十三年 春齊侯宋人陳人蔡人邾人會于北杏

十五年 秋宋人齊人邾人伐郕

十六年 冬邾子克卒

邾子瑣 克之子莊十七年即位 在位十二年卒

莊二十八年 夏四月丁未邾子瑣卒

文公 名躒陳瑣之子莊二十九年即位 在位五年卒

閔二年 秋九月夫人姜氏孫于邾

僖元年 秋八月公會齊侯宋公鄭伯曹伯邾人于榿九

月公敗邾師于偃

十八年 春王正月宋公曹伯衛人邾人伐齊

十九年夏六月宋人曹人邾人盟于曹南鄆子會盟于

邾已酉邾人執鄆子用之

二十年冬公伐邾

二十二年春公伐邾取須句 秋八月丁未及邾人戰于

升陘二十二年公會晉侯齊侯宋公蔡侯鄭伯陳子莒

子邾人秦人于温

三十三年夏公伐邾取訾婁 秋公子遂帥師伐邾

文七年春公伐邾 三月甲戌取須句遂城郟

十三年夏邾子蘧蒞卒

定公名釁且文公子文十四年即位 在位四十

十四年春邾人伐我南鄙叔彭生帥師伐邾 秋晉人

納捷菑于邾弗克納

宣元年秋邾子來朝

十年夏公孫歸父帥師伐邾取繹 冬公孫歸父如齊

十七年夏六月癸卯日有食之 己未公會晉侯衛侯

曹伯邾人同盟于斷道

十八年秋七月邾人戕鄆子于鄆

成二年冬十有一月丙申公及楚人秦人宋人陳人衛

人鄭人齊人曹人邾人薛人鄆人盟于蜀

五年冬十有二月己丑公會晉侯齊侯宋公衛侯鄭伯

春秋左傳卷之八  
曹伯邾子杞伯同盟于蟲牢

六月夏六月邾子來朝

七月秋公會晉侯齊侯宋公衛侯曹伯莒子邾子杞伯

救鄭八月戊辰同盟于馬陵

八年冬叔孫僑如會晉士燮齊人邾人伐邾

十三年夏五月公自京師遂會晉侯齊侯宋公衛侯鄭

伯曹伯邾人滕人伐秦

十五年春三月癸丑公會晉侯衛侯鄭伯曹伯宋世子

成齊國佐邾人同盟于戚冬十有一月叔孫僑

如會晉士燮齊高無咎宋華元衛孫林父鄭公子

鮑邾人會吳于鍾離

十六年秋公會晉侯齊侯衛侯宋華元邾人于沙隨

十七年夏公會尹子單子晉侯齊侯宋公衛侯曹伯邾

人伐鄭六月乙酉同盟于柯陵冬公會單子

晉侯宋公衛侯曹伯齊人邾人伐鄭邾子獲且

卒

宣公名癸定公于成十八年即位在位十八年

成十年秋八月邾子來朝冬十有二月仲孫蔑會晉

侯宋公衛侯邾子齊崔杼同盟于虛打

襄元年春王三月仲孫蔑會晉欒黶宋華元衛甯殖曹

人莒人邾人滕人薛人圍宋彭城 夏晉韓厥帥

師伐鄭 仲孫蔑會齊崔杼曹人邾人杞人次于

鄆 秋邾子來朝 秋七月仲孫蔑會晉荀罃宋

華元衛孫林父曹人邾人于戚 冬仲孫蔑會晉

荀罃齊崔杼宋華元衛孫林父曹人邾人滕人薛

人小邾人于戚遂城虎牢

三年夏六月公會單子晉侯宋公衛侯鄭伯莒子邾子

齊世子光已未同盟于雞澤

四年 左傳

冬十月邾人莒人伐鄆滅紇救鄆侵邾敗于狐駘國人逆喪者皆鬻

五年夏公會晉侯宋公陳侯衛侯鄭伯曹伯莒子邾子

滕子薛伯齊世子光吳人鄆人于戚

六年冬叔孫豹如邾

七年冬十有二月公會晉侯宋公陳侯衛侯曹伯莒子

邾子于鄆

八年夏季孫宿會晉侯鄭伯齊人宋人衛人邾人于邢

丘

九年冬公會晉侯宋公衛侯曹伯莒子邾子薛伯杞伯

小邾子齊世子光伐鄭

十年春公會晉侯宋公衛侯曹伯莒子邾子滕子薛伯



杞伯小邾子齊世子光會吳于祖 秋公會晉侯  
宋公衛侯曹伯莒子邾子齊世子光滕子薛伯杞  
伯小邾子伐鄭

十一年 夏公會晉侯宋公衛侯曹伯齊世子光莒子邾  
子滕子薛伯杞伯小邾子伐鄭 秋公會晉侯宋  
公衛侯曹伯齊世子光莒子邾子滕子薛侯杞伯  
小邾子伐鄭會于蕭魚

十四年 春王正月季孫宿叔老會晉士匄齊人宋人衛  
人鄭公孫蠆曹人莒人邾人滕人薛人杞人小邾  
人會吳于向 夏四月叔孫豹會晉荀偃齊人宋

人衛北宮括鄭公孫蠆曹人莒人邾人滕人薛人  
杞人小邾人伐秦 冬季孫宿會晉士匄宋華閱  
衛孫林父鄭公孫蠆莒人邾人于戚

十五年 秋邾人伐我南鄙

十六年 春三月公會晉侯宋公衛侯鄭伯曹伯莒子邾  
子薛伯杞伯小邾子于溴梁戊寅大夫盟 晉人  
執莒子邾子以歸

十七年 春王二月庚午邾子貜卒

悼公 名華宣公子襄十八年卽位在位十五年

襄十八年 冬十月公會晉侯宋公衛侯鄭伯曹伯莒子邾

春秋列國諸卷一  
子滕子薛伯杞伯小邾子同圍齊

十九年春王正月諸侯盟于祝柯 晉人執邾子 公

至自伐齊 取邾田自鄆水

二十二年夏六月庚申公會晉侯齊侯宋公衛侯鄭伯曹

伯莒子邾子滕子薛伯杞伯小邾子盟于澶淵

秋仲孫速帥師伐邾

二十一年春王正月公如晉 邾庶其以漆間丘來奔

夏公至自晉 公會晉侯齊侯宋公衛侯鄭伯曹

伯莒子邾子于商任

二十二年冬公會晉侯齊侯宋公衛侯鄭伯曹伯莒子邾

子薛伯杞伯小邾子于沙隨

二十三年夏邾畀我來奔 冬十月乙亥臧孫紇出奔邾

二十四年秋公會晉侯宋公衛侯鄭伯曹伯莒子邾子滕

子薛伯杞伯小邾子于夷儀

二十五年夏公會晉侯宋公衛侯鄭伯曹伯莒子邾子滕

子薛伯杞伯小邾子于夷儀

二十八年夏邾子來朝 冬晉人齊人宋人衛人鄭人曹

人莒人邾人滕人薛人杞人小邾人會于澶淵宋

災故

昭元年夏六月丁巳邾子華卒 秋葬邾悼公

春秋左傳卷之八  
莊公名穿悼公子昭二年即位在位三十三年

昭十一年夏仲孫獲會邾子盟于稜祥

十三年秋公會劉子晉侯齊侯宋公衛侯鄭伯曹伯莒

子邾子滕子薛伯杞伯小邾子于平丘八月甲戌

同盟于平丘

十八年夏六月邾人入郟

十九年春宋公伐邾

二十五年夏叔詣會晉趙鞅宋樂大心衛北宮喜鄭游吉

曹人邾人滕人薛人小邾人于黃父

二十六年秋公會齊侯莒子邾子杞伯盟于鄆陵

二十七年秋晉士鞅宋樂祁犁衛北宮喜曹人邾人滕人

會于扈冬邾快來奔

三十一年冬黑肱以濫來奔

三十三年春二月辛卯邾子穿卒秋葬邾莊公

隱公

名益莊公子定四年即位在位十九年卒  
哀七年為魯獲八年歸之吳又討其無道  
囚諸樓臺立其子革十年奔魯又奔齊二  
十二年奔越歸之後又無道越執之立其

定三年冬仲孫何忌及邾子盟於拔

四年春三月公會劉子晉侯宋公蔡侯衛侯陳子鄭伯

許男曹伯莒子邾子頓子胡子滕子薛伯杞伯小

邾子齊國夏於召陵侵楚

十四年邾子來會公

十五年春王正月邾子來朝 夏邾子來奔喪

哀元年冬仲孫何忌帥師伐邾

二年春王二月季孫斯叔孫州仇仲孫何忌帥師伐邾

取鄆東田及沂西田 癸巳叔孫州仇仲孫何忌

及邾子盟于句繹

三年夏季孫斯叔孫州仇帥師成啟陽 冬叔孫州仇

仲孫何忌帥師圍邾

六年春城邾瑕 冬仲孫何忌帥師伐邾

七年秋公伐邾 八月己酉入邾以邾子益來

八年夏歸邾子益于邾

十年春王二月邾子益來奔

二十一年左傳 秋八月公及齊侯邾子盟于顧

二十二年左傳 夏四月邾子隱公自齊奔越

二十四年左傳 邾子又無道越人執之以歸

魯隱公與邾儀父盟于蔑逾六年而即伐邾桓公與

邾儀父盟于雒逾六月而即伐邾要盟不信而干戈

日煩自此魯邾之爭世相尋也齊桓北杏之會邾人

往從始獲進爵及文公敗魯于升陘定公拒晉納捷

菑奮兵執義頗號自強然而小國倖勝非邾福也邾  
介魯宋服屬二國從齊之後漸不向魯魯責其不恭  
邾復愬齊僖公不平方會諸侯于榿卽敗邾師于偃  
雖升陘一戰魯不設備邾獲公胄顧大師屢出取訾  
婁取須句城郟取繹魯未忘報也且曹南之盟宋襄  
爲主邾爲宋致鄆鄆子赴會就邾而盟未聞有罪忽  
執用之如刑牲然虐而夷矣後復遣人直造其國戕  
殺鄆子五十年間鄆喪二君以小國禍小國未有不  
仁如邾文定者也晉霸世繼邾人善附間一朝魯示  
無失禮宣公末年從會溴梁晉人遽執之以歸以其

伐魯南鄙也宣公卒悼公立邾益多故矣祝柯之盟  
晉執邾子魯取邾田黽勉往朝難猶未已悼公之時  
庶其畀我奔魯莊公之時邾快黑肱奔魯魯怒方盛  
而叛人踵接邾能安復國乎隱公卽位事魯尤恭比  
蒲之蒐則往會定公之薨則奔喪其奉魯也幾以天  
子禮矣乃伐取圍城魯無虛歲必入邾國執邾子而  
後止抑何暴也雖然隱桓以來魯之伐邾皆公爲政  
卽公子慶父帥師于莊公之二年公子遂帥師于僖  
公之三十二年叔彭生帥師于文公之十四年公孫  
歸父帥師于宣公之十年仲孫速帥師于襄公之二

十年大夫王將猶出君命降而後世伐邾之役政在大夫矣哀公元年仲孫何忌帥師伐邾利邾田也二年季孫斯叔孫州仇仲孫何忌帥師伐邾取瀆東田及沂西田邾人愛其土割田以賂三卿也三年夏季孫斯叔孫州仇帥師城啟陽冬叔孫州仇仲孫何忌帥師圍邾啟陽者邾國在邾東鄙邾既取之魯又偪而城之也圍邾者季孫斯已卒叔仲二氏恐邾生心故復圍之也六年春城邾瑕瑕邾邑強城之也冬仲孫何忌帥師伐邾邾未定再伐之也七年秋公伐邾八月己酉入邾以邾子益來伐邾本三家之謀而公

親之不得已也魯襄公時晉執邾悼魯嘗取邾田自瀆水矣其君有之其大夫不得兵弗止也瀆東沂西之取三家均有邾田矣或季氏多取而叔仲不均或季叔多取而仲氏不均兵猶弗止也五六年間伐邾之役有三卿行者有二卿行者有一卿行者既取其田又城其邑不滅邾猶弗止也取之城之圍之伐之大夫既快其欲而後強公往獲則三家均享其利討則公獨受其惡也隱桓之世盟蔑盟趙公親臨之降而昭公仲孫貜會邾子于稜祥矣降而定公仲孫何忌及邾子盟于拔矣降而哀公叔孫州仇仲孫何忌

春秋列國論卷之十八終  
及邾子盟于句繹矣。侵祥與拔。公使吾大夫與其君盟。句繹之盟直。吾大夫與其君盟耳。公盟邾而伐邾。邾能敵之。大夫盟邾而伐邾。邾不能敵也。界我快之。奔以人來。庶其黑肱之奔。并以地來。主之者誰。季氏其淵藪也。季氏造謀而叔仲輔之。賢如何。忌學于仲尼。嘗受邾託。反屢攻邾。邾又望託庇哉。邾之見侵于魯也。先失訾婁。繼失須句。繼失繹。繼失濶。水之田。繼失漆。閭丘繼失濫。繼失鄆。東沂西田。繼失啟陽。繼失瑕。土地盡削。而後魯師直入其君。被獲執。同匹夫。後雖再歸社其屋矣。然邾在春秋國小。而數好動虐。鄆

以仇魯人。邾以怒宋。倚晉而爲晉所惡。則有宣悼之執。倚齊而爲齊所棄。則有邾益之奔。樓臺柝棘。終于滅亡。未必非自取也。

春秋列國論卷之十九目錄

莒

紀姓少昊之後周武王封茲其于莒自紀公以下為已姓不知誰賜之也十二世茲丕公始見

春秋

紀公

渠丘公

黎比公

郊公

右論一則



春秋列國論卷之十九目錄

春秋列國論卷十九

明 婁東張溥西銘父著

莒

已姓子爵武王封少昊之裔茲與期于莒其地漢  
城陽郡莒縣莒夷君無謚而有號自茲與期十一  
世而茲平公始見春秋共公庚與而下微不復見  
後四世為楚滅漢志通三十世為楚滅

隱二年夏五月莒人入向無駭帥師入極 冬紀子帛

莒子盟于密

四年春王二月莒人伐杞取牟婁

春秋左傳卷十九  
八年秋九月辛卯公及莒人盟于浮來

桓十年夏六月壬寅公會杞侯莒子盟于曲池

莊十年冬十月齊師滅譚譚子奔莒

十九年秋夫人姜氏如莒

二十年春王二月夫人姜氏如莒

二十七年冬莒慶來逆叔姬

閏二年秋公子慶父出奔莒

僖元年冬十月壬午公子友帥師敗莒師于鄆獲莒挈

二十五年冬十有二月癸亥公會衛子莒慶盟于洮

二十六年春王正月己未公會莒子衛甯速盟于向

二十八年夏五月癸丑公會晉侯齊侯宋公蔡侯鄭伯衛

子莒子盟于踐土 冬公會晉侯齊侯宋公蔡侯

鄭伯陳子莒子邾子秦人于溫

文七年冬徐伐莒公孫敖如莒涖盟

八年冬公孫敖如京師不至而復丙戌奔莒

紀公 名庶其

十八年冬莒弒其君庶其

渠丘公 名季佗又名朱

宣四年春王正月公及齊侯平莒及邾莒人不肯公伐

莒取向

十一 夏公孫歸父會齊人伐莒

十三 春齊師伐莒

成七 秋公會晉侯齊侯宋公衛侯曹伯莒子邾子杞

伯救鄭八月戊辰同盟于馬陵

八年 春公孫嬰齊如莒

九年 春公會晉侯齊侯宋公衛侯鄭伯曹伯莒子杞伯

同盟于蒲 楚公子嬰齊帥師伐莒庚申莒潰楚

人入鄆

十四 春王正月莒子朱卒

黎比公 名密州朱之子成十五年即位

十七 秋齊高無咎出奔莒

襄元 春仲孫蔑會晉欒黶宋華元衛甯殖曹人莒人

邾人滕人薛人圍宋彭城

三年 夏六月公會單子晉侯宋公衛侯鄭伯莒子邾子

齊世子光已未同盟于雞澤陳侯使袁僑如會戊

寅叔孫豹及諸侯之大夫及陳袁僑盟

四年 左傳 冬十月邾人莒人伐鄆

五年 秋公會晉侯宋公陳侯衛侯鄭伯曹伯莒子邾子

滕子薛伯齊世子光吳人鄆人于戚

六年 秋莒人滅鄆

春秋左傳卷之九  
七年冬公會晉侯宋公陳侯衛侯曹伯莒子邾子于鄆

八年夏莒人伐我東鄙

九年冬公會晉侯宋公衛侯曹伯莒子邾子薛伯杞伯

小邾子齊世子光伐鄭

十年春公會晉侯宋公衛侯曹伯莒子邾子滕子薛伯

杞伯小邾子齊世子光會吳于祖 秋莒人伐我

東鄙 公會晉侯宋公衛侯曹伯莒子邾子齊世子

光滕子薛伯杞伯小邾子伐鄭

十一年夏公會晉侯宋公衛侯曹伯齊世子光莒子邾

子滕子薛伯杞伯小邾子伐鄭 秋公會晉侯宋

公衛侯曹伯齊世子光莒子邾子滕子薛伯杞伯

小邾子伐鄭會于蕭魚

十二年春王三月莒人伐我東鄙圍台季孫宿帥師救台

遂入鄆

十三年冬城防

十四年春王正月季孫宿叔老會晉士匄齊人宋人衛

人鄭公孫蠆曹人莒人邾人滕人薛人杞人小邾

人會吳于向 夏四月叔孫豹會晉荀偃齊人宋

人衛北宮括鄭公孫蠆曹人莒人邾人滕人薛人

杞人小邾人伐秦 莒人侵我東鄙 冬季孫宿

會晉士句宋華閱衛孫林父鄭公孫薑莒人邾人  
于戚

十六年春三月公會晉侯宋公衛侯鄭伯曹伯莒子邾  
子薛伯杞伯小邾子于溴梁戊寅大夫盟 晉人  
執莒子邾子以歸

十八年冬十月公會晉侯宋公衛侯鄭伯曹伯莒子邾  
子滕子薛伯杞伯小邾子同圍齊

二十年春王正月辛亥仲孫速會莒人盟于向 夏六  
月庚申公會晉侯齊侯宋公衛侯鄭伯曹伯莒子  
邾子滕子薛伯杞伯小邾子盟于澶淵

二十一年冬公會晉侯齊侯宋公衛侯鄭伯曹伯莒子邾  
子于商任

二十二年冬公會晉侯齊侯宋公衛侯鄭伯曹伯莒子邾  
子薛伯杞伯小邾子于沙隨

二十三年冬齊侯襲莒

二十四年秋齊崔杼帥師伐莒 公會晉侯宋公衛侯鄭  
伯曹伯莒子邾子滕子薛伯杞伯小邾子于夷儀

二十五年夏公會晉侯宋公衛侯鄭伯曹伯莒子邾子滕  
子薛伯杞伯小邾子于夷儀

二十九年夏仲孫羯會晉荀盈齊高止宋華定衛世叔儀

鄭公孫段曹人莒人滕人薛人小邾人城杞

三十冬晉人齊人宋人衛人鄭人曹人莒人邾人滕

人薛人杞人小邾人會于澶淵宋災故

三十冬莒人弑其君密州

著丘公

名去疾黎比公子黎比公卒展輿立奪羣公子秩公子召去疾昭元年齊納之

在位十四年卒

昭元年春取鄆

秋莒去疾自齊入于莒

莒展輿出

奔吳叔弓帥師彊鄆田

五年夏莒牟夷以牟婁及防茲來奔

秋叔弓帥師敗

莒師于蚡泉

十秋季孫意如叔弓仲孫矍帥師伐莒

十三年秋公會劉子晉侯齊侯宋公衛侯鄭伯曹伯莒

子邾子滕子薛伯杞伯小邾子于平丘八月甲戌

同盟于平丘公不與盟晉人執季孫意如以歸

十四年秋莒子去疾卒冬莒殺其公子意恢

郊公

著丘公卒在位五年出奔齊在

共公

名庚輿著丘公弟著丘公卒于郊公立是年奔齊莒人立之昭十五年即位九年奔

魯齊納郊公

十九年秋齊高發帥師伐莒

二十二年春齊侯伐莒

二十三年秋七月莒子庚與來奔

二十六年秋公會齊侯莒子邾子杞伯盟于鄆陵

二十九年冬仲孫何忌會晉韓不信齊高張宋仲幾衛世

叔申鄭國參曹人莒人薛人杞人小邾人城成周

哀十左傳

莒子狂卒

春秋之初小國名見者莒邾為強隱公元年公及邾

儀父盟于蔑二年莒人入向無駭帥師入極七年公

伐邾八年公與莒人盟于浮來魯于邾也先盟而後

戰于莒也先戰而後盟二國俱非下魯者也莒人今

年入向明年代杞取牟婁用兵稔矣無駭入極雖報

入向莒人不懲紀子伯新昏于魯為密之盟以平魯

莒久而浮來之盟成二國始合迄乎桓公曲池有盟

其交益固莊公之世夫人姜氏如莒者再婦人之如

必于同姓姜氏齊女而反如莒雖為莒近齊故實親

莒也文姜既死莒慶昏魯書法有異伯姬之嫁也經

書伯姬歸于杞又書公會杞伯姬于洮杞伯姬來叔

姬之嫁也書莒慶來逆叔姬莊公年三十有七而後

娶嫡甫娶嫡而即嫁女公之有女前乎夫人矣伯姬

歸杞在夫人姜氏入魯之次年于姜氏也踈叔姬歸

莒在夫人姜氏入魯之四年于姜氏也密于姜氏踈

者公雖愛之其往其來猶嘗女耳于姜氏密者姜氏  
視爲已女以悅公公自爲主受莒慶之逆以悅姜氏  
交相悅而大國之君遂降與小國之大夫敵矣莊公  
薨姜氏亂子般閔公之弑國人不服夫人孫邾慶父  
奔莒恃莒素厚也魯僖卽位季友義討齊桓誅哀姜  
于夷夷莒界也公敗邾師于偃公子友敗莒師于鄆  
獲莒拏邾匿姜氏莒匿慶父二國党惡其敗其獲皆  
春秋所大也盟洮有莒慶盟向有莒子獲拏之後魯  
莒交怨二十餘年忽比年再盟者衛君文成欲平二  
國也洮之盟莒慶至而莒子不至乃復有向盟君與

大夫盟不若君與君盟之親也晉文王霸盟踐土會  
于温莒子克從魯文六年齊伐莒公孫敖如莒涖盟  
脩洮向之好協謀爲備也紀公而降莒漸多故魯宣  
平莒邾莒人不肯公伐莒取向則魯難莒矣莒恃晉  
而不事齊齊頃公兩伐之則齊難莒矣楚共憑陵遠  
出郟北以爭諸侯公子嬰齊帥師伐莒莒潰入鄆則  
楚難莒矣馬陵之盟魯莒復通旣而莒窺魯鄙侵伐  
四見季孫宿有入鄆之役則魯再難莒矣溴梁之盟  
晉平公以魯故執邾子莒子以歸則晉難莒矣莒同  
諸侯圍齊齊莊襲之崔杼伐之則齊再難莒矣嬴姓



微國盡強大而與爲難其何以立乃犁比公密州則  
非無能者在位三十餘年盟會數列晉悼三駕師  
行輒從春秋序于曹之下邾滕薛之上書莒子者十  
七書莒人者七敗于魯而復盟魯襲于齊而復朝齊  
執于晉而復事晉治國交隣必有道矣惜乎廢嫡立  
庶厥身見弑也莒本蕞爾怙強好兵魯隱公時相伐  
取地莒爲亂首入春秋來其君五見而弑于亂者二  
其大夫五見而奔于亂者三殺于亂者一紀公庶其  
之弑也愛季佗而黜太子僕且多行無禮于國僕因  
國人以弑之也犁比公密州之弑也公生去疾及展

與旣立展與又廢之展與因國人而攻弑之也展與  
之奔也立而奪群公子秩公子召去疾于齊展與吳  
出故奔吳也莒牟夷之以牟婁及防茲來奔也三邑  
皆莒地叛人挈之而奔也公子意恢之殺也蒲餘侯  
惡之因著丘公去疾卒殺之而立庚與也共公庚與  
之奔也虐而好劔烏存帥國人以出之也莒弑庶其  
稱國以弑原莒僕者猶謂國人弑君僕恐得禍竊寶  
而奔苟以爲利密州之弑則展與實爲之以子弑父  
以臣弑君一弑則猶假手再弑則直身戎矣莒僕奔  
莒宣公欲與之邑季孫行父使司寇出諸境子赤之

春秋列國論卷二  
變國方多事大臣猶假義以拒叛牟夷之奔季孫宿  
當國則直受不辭矣惟莒無禮而後其國多亂惟國  
多亂而後魯人乘間展輿奔而鄆田疆牟夷來而蚡  
泉敗莒而夷矣焉能禦魯魯之與莒爭也始于向終  
于鄆向姜姓國隱二年莒入向遂爲莒邑桓十年城  
向已而歸莒僖十六年公會甯速盟向向復繫莒宣  
四年魯乃伐莒取之向始爲魯邑襄二十年聽齊晉  
而及莒平又盟向焉魯之欲向也蓋久而後得之鄆  
小國界莒魯間初本附莒文十二年鄆願屬魯後復  
歸莒成九年楚嬰齊伐莒而入鄆卽東鄆也昭五年

季孫宿乘密州之弒遂伐取焉魯之欲鄆也亦久而  
後得之取向者君之欲取鄆者大夫之欲鄆密邇費  
尤季氏所急也叔弓疆鄆田而莒永無鄆季孫意如  
叔弓仲孫貜伐莒而莒再失鄆平丘之盟邾莒有訴  
晉昭拒公執意如以歸而後莒魯之爭止齊景公兩  
伐莒先以高發繼以親行鄆陵盟成而後齊莒之爭  
止當是時也密州弒則去疾奔去疾奔則展輿立展  
輿奔則去疾入去疾卒則意恢殺意恢殺則邾公奔  
郊公奔則夷輿立夷輿奔則邾公入國非鄭衛而突  
忽剽衍紛出其間莒之爲莒不君不臣不父不子者

也。春秋進荆人重吳子而獨略莒殆以此哉。

春秋列國論卷十九終

春秋列國論卷之二十目錄

徐嬴姓子爵伯翳之後

淮夷附

右論一則

春秋列國論卷之二十目錄

春秋列國論 目錄

春秋列國論卷之二十

明 婁東張溥西銘父著

徐 淮夷附

嬴姓子爵柏翳之後柏翳二子大廉之後爲秦若木之後爲徐周穆王時徐夷作亂伐宗周穆王畏其方熾乃分東方諸侯命徐子壬之徐子處潢池東地方五百里行仁義得朱弓赤矢以爲天瑞乃稱偃王魯僖三年徐人取舒始見經昭三十年吳滅徐徐子章羽奔楚

莊二十六年 秋公會宋人齊人伐徐

僖三夏徐人取舒

十五年楚人伐徐三月公會齊侯宋公陳侯衛侯鄭伯

許男曹伯盟于牡丘遂次于匡公孫敖帥師及諸

侯之大夫救徐 秋齊師曹師伐厲 冬楚人敗

徐于婁林

十七春齊人徐人伐英氏

文七冬徐伐莒公孫敖如莒涖盟

昭四夏楚子蔡侯陳侯鄭伯許男徐子滕子頓子胡

子沈子小邾子宋世子佐淮夷會于申 楚人執

徐子

五年冬楚子蔡侯陳侯許男頓子沈子徐人越人伐吳

十有二年冬楚子伐徐

十六年春齊侯伐徐

十九左傳 邾人邾人徐人會宋公乙亥同盟于蟲

三十冬十有二月吳滅徐徐子章羽奔楚

讀書至費誓曰徂茲淮夷徐戎並興常武之詩二章

曰率彼淮夷省此徐土三章曰徐方驛騷五章曰濯

征徐國六章曰徐方來庭徐方不回徐雖伯翳之後

有國已久俗流于夷周初一叛于三監之流言再叛

于伯禽之撫封其後穆王巡狩徐偃稱王厲宣之際

春秋列國論卷三  
復擾南國徐固非弱小也魯莊之季徐見春秋公會  
齊人宋人伐之春伐戎秋伐徐徐固戎党也僖公三  
年徐人取舒舒與荆比而爲徐取徐蓋屬齊而撓楚  
矣久之楚人伐徐報取舒也牡丘之盟齊謀救徐次  
匡而公不前大夫帥師而諸侯不行楚卒敗徐于婁  
林合八國之衆以圖一徐而徐不一勝爲盟主者得  
無病乎齊桓晚歲頗憚用兵葵丘旣盟之後大師鮮  
出楚伐黃狄侵鄭勢當急救而齊置不問諸侯知其  
志之怠矣牡丘尋盟盟而後救救者其名也且諸侯  
之大夫帥師救徐而齊師曹師復往伐厲楚旣敗徐

婁林而齊人徐人復伐英氏震楚未能而撓伐與國  
意將何爲厲者神農之後國在徐楚之間救徐而伐  
厲齊固曰楚必救厲則徐可解也乃齊曹伐厲而楚  
復敗徐則厲非楚所急矣齊曹伐厲而諸侯之師分  
楚不救厲而徐人之敗告是楚審于敗徐而齊不審  
于救徐也婁林敗後踰二年而兵及英氏英鄆姓臯  
陶之後近蓼之國楚屬之小者徐不正伐楚而伐英  
氏曰我以報怨齊不助徐伐楚而伐英氏亦曰姑以  
謝徐也魯文七年徐伐莒徐在淮泗間爲楚所爭久  
服霸令今遽伐莒浸乎偃魯時晉文歿而楚穆橫徐

蓋有異心焉。申之會，楚靈爲政，從者十有二國。徐子被執，謀斷吳也。楚抗，惟晉、楚、畏、惟、吳、宋之盟。晉旣平矣，吳獨難。楚謀拒之，淮夷會則中國通。吳之道絕，宋、鄭諸國會則楚入中國之路開，而徐獨中梗。楚弗便也。夏會而執徐子，秋率七國伐吳，先斷吳通上國之道。而後吳不敵楚，再啟通越制吳之路。而後楚可扼吳。執徐子，用越人，莫非楚狡也。左傳云：魯成公七年，吳伐曹，伐徐。楚子重奔命往救襄公。二十九年，吳季札聘魯，北過徐君。徐久屬楚，更與吳通。會申之，執其積憾乎。楚雖執徐子，而徐終不服楚。徐雖同楚伐

吳而吳終厚徐。僖公以來之春秋，勢重在楚。徐不能舍楚而事齊。昭公以來之春秋，勢重在吳。徐不能舍吳而事楚也。楚靈伐徐，惡通吳也。齊景伐徐，惡斷吳也。楚欲閉吳而徐通之，則楚師集于徐。齊欲通吳而楚執徐以斷之，則齊師亦集于徐。吳與中國非徐莫往來也。久而滅徐，勢所必然。或曰：齊滅譚，楚滅弦，狄滅溫，君奔不名者，志猶在復義，未絕也。徐子章羽奔楚，名者其君已降，志不在復義，已絕也。古之以州名國者，惟荆與徐。國而包州，蓋大國也。詩書言徐方，徐戎夷之也。春秋書徐子、徐人進之也。婁、林、舉、號、訖、不

春秋列國論卷二十一終  
成○兵○伐○莒○舉○號○惡○彼○侵○夏○餘○則○多○怨○辭○矣○桓○公○救○徐○  
而○景○公○伐○徐○齊○德○之○衰○君○子○所○傷○而○史○記○又○言○徐○州○  
後○復○屬○齊○豈○吳○滅○之○齊○有○之○乎○以○地○勢○言○徐○屬○吳○較○  
遠○屬○齊○較○近○也○

春秋列國論卷二十一終

春秋列國論卷之二十一目錄

鄆夏禹之後

右論一則

春秋列國論卷之二十一目錄



春秋列國論卷二十一

明 婁東張溥西銘父著

鄆

南 姒姓子爵夏后氏之後地在琅邪鄆縣襄邑縣東

僖十四年夏六月季姬及鄆子遇于防使鄆子來朝

十五年秋季姬歸于鄆

十六年夏四月丙申鄆季姬卒 冬公會齊侯宋公陳

侯衛侯鄭伯許男邢侯曹伯于淮

十九年夏六月宋人曹人邾人盟于曹南鄆子會盟于

邾已酉邾人執鄆子用之

宣八年秋七月邾人戕鄆子于鄆

成二年冬公及楚人秦人宋人陳人衛人鄭人齊人曹

人邾人薛人鄆人盟于蜀

襄四年冬十月邾人莒人伐鄆

五年夏叔孫豹鄆世子巫如晉 秋公會晉侯宋公陳

侯衛侯鄭伯曹伯莒子邾子滕子薛伯齊世子光

吳人鄆人于戚

六年莒人滅鄆

昭四年九月取鄆

鄆季姬魯僖公女也經于公十四年書季姬及鄆子

遇于防使鄆子來朝左傳曰季姬來寧公怒止之以

鄆子之不朝也夏遇于防而使來朝此實錄也明年

書季姬歸于鄆又明年書鄆季姬卒內女嫁諸侯不

書者多矣獨鄆季姬歸卒詳焉何居季姬少女公所

愛也鄆子魯壻抗而不朝公所怒也入春秋來滕薛

邾杞朝不絕書鄆子以分則卑以情則戚反闕焉不

聞其無禮哉齊桓主霸魯僖協會諸夏並託鄆最微

小寧獨不為國謀乎季姬及鄆子遇于防使鄆子來

朝其及其遇其使其朝皆姬志也季姬留魯而復及

春秋列國命 卷三十一 鄆

春秋左傳卷三十一  
鄆子季姬之謀鄆也季姬留魯而復有防遇僖公之  
聽姬也不朝則季姬止朝則季姬歸季姬歸而鄆安  
鄆于是乎賢季姬鄆子朝而魯悅魯于是乎恩季姬  
迨淮夷病鄆諸侯會淮卽而謀之欲城不果無非以  
季姬故也齊桓霸會始于北杏終于淮北杏以宋淮  
會以鄆鄆以小國而與宋參惟魯急鄆惟齊聽魯觀  
霸者于此識盛衰焉書會淮則書鄆朝書鄆朝則書  
遇防書遇防則書季姬歸卒本其事則詳其書魯莊  
之初王姬四書蓋前乎此矣曹南之盟鄆子不及會  
盟於邾邾人執之用於次睢之社或曰用尸爲牲或

曰叩鼻取血俱非刑也齊桓旣薨宋襄求霸執滕子  
虐鄆人將以耀威邾黨宋而讐魯逞暴於鄆雖云宋  
命實自快也一鄆子死一鄆子立魯宣十八年邾人  
戕鄆子于鄆在鄆不知其幾傳也邾則已二逞矣齊  
桓薨而中國無霸則邾文公用鄆子晉景弱而中國  
無霸則邾定公戕鄆子兩鄆子之不得其死其霸國  
之恥乎用鄆之役猶假宋命戕鄆之役直邾自爲彼  
惟一肆於次睢方伯無討遂啟其賊心再試而不憚  
也魯襄四年公如晉請屬鄆晉以鄆屬魯其冬邾人  
莒人伐鄆臧孫紇救鄆侵邾敗於狐駘五年穆叔覲

鄆太子於晉九月會於戚穆叔以屬鄆爲不利使鄆大夫聽命於會六年莒人滅鄆晉人來討季五子如晉謝亡鄆傳之記鄆悉矣抑讀經者有疑焉叔孫豹魯大夫也鄆世子巫國君之子也諸侯之世子未誓以皮帛繼子男而亞於大夫非禮也旣亞於大夫復與大夫旅見大國非禮之中又非禮焉邾鄆讐也莒鄆戚也忽然滅鄆其誅君之滅與其破國之滅與說者曰巫者鄆前夫人魯襄公毋姊妹之子也時莒女嫁爲鄆後夫人夫人無男有女還嫁之于莒有外孫鄆子愛後夫人而無子欲立其外孫巫恐而之魯叔

孫豹偕之如晉相與往殆也告殆而有戚會會戚而晉仍不應莒人滅鄆滅者異姓爲後莒人當坐滅也若然則鄆之滅也不滅于仇而滅于戚魯與晉胡爲乎置弗問也莒近齊齊爲利之國也鄆迫于莒得鄆齊所欲也鄆求屬魯匍匐望救魯窺齊意懼嫌而舍如晉會戚姑謝其請莫急患難莒旣恃齊魯復絕鄆鄆欲不滅不可得矣魯昭六年莒不撫鄆鄆叛而來魯竟取之魯實欲鄆非能存鄆者也春秋之志鄆也所傳多異聞書法多特筆遇防使朝朝禮之變也曰用曰戕執殺之變也世子魯卿旅見霸國外相如之

春秋列國論卷二十一終  
變也異姓不別立泄宗祀滅國之變也胡傅責鄆人者二戕鄆則刺臣子之不救滅鄆則惡夫人之亂宗然蕞爾安備逐子安託魯與齊晉交外之矣君子之責鄆尤不勝其哀鄆也邾莒二國自立不足虐鄆有餘無霸之世不獨强者兼弱而弱復兼弱兵之靖也何日之有

春秋列國論卷二十一終

春秋列國論卷之二十二目錄

滕 姬姓文王之子繡之後武王封之自叔繡以下九世莊公始見即穀也

宣公

昭公

文公

成公

倬公

頃公

隱公

薛 任姓奚仲封薛侯遷于邳仲虺居薛為湯左相武王復以其弟雍滑為薛侯

襄公

薛伯比

惠公

小邾 曹姓顛  
項之後

右論總一則

春秋列國論卷之二十二目錄

春秋列國論卷之二十二

滕

明 婁東張溥西銘父著

姬姓侯爵文王第十四子錯叔繡之後也武王封之滕其地漢沛郡公丘縣東南是也鄭氏曰晉志公丘屬魯國今兗州龔丘是也先儒以龔丘本寧陽隋始改名按寧陽在漢泰山郡非沛郡之公丘也公羊曰郤克過宋鄭滕薛入邾邾在今滕縣之西南也國微不可考十七世至宣公入春秋隱公以下春秋後七世而齊滅之漢志以為共三十一

隱七年 春滕侯卒

宣公 名嬰齊隱八年即位  
僖十九年為宋執

隱十年 春滕侯薛侯來朝

桓二年 春滕子來朝

莊十年 冬會齊侯宋公陳侯衛侯鄭伯許男滑伯滕子

同盟于幽

僖九年 春宋人執滕子嬰齊

二十二年 夏宋公衛侯許男滕子伐鄭

昭公

文十二年 秋滕子來朝

宣九年 秋八月滕子卒 冬宋人圍滕

文公 名壽昭公子宣十年  
即位 在位十年卒

宣十年 夏宋師伐滕

成十年 夏公自京師遂會晉侯齊侯宋公衛侯鄭伯曹

伯邾人滕人伐秦

十六年 夏滕子卒

成公 名原文公子成十七年  
即位 在位三十年卒

襄元年 春仲孫篋會晉欒黶宋華元衛甯殖曹人莒人

邾人滕人薛人圍宋彭城

春秋左傳卷三十一  
二年冬仲孫篋會晉荀罃齊崔杼宋華元衛孫林父曹人邾人滕人薛人小邾人于戚遂城虎牢

五年秋公會晉侯宋公陳侯衛侯鄭伯曹伯莒子邾子滕子薛伯齊世子光吳人鄆人于戚

六年秋滕子來朝

十年春公會晉侯宋公衛侯曹伯莒子滕子薛伯杞伯

小邾子齊世子光會吳于柤 冬公會晉侯宋公

衛侯曹伯莒子邾子齊世子光滕子薛伯杞伯小

邾子伐鄭

十一年夏公會晉侯宋公衛侯曹伯齊世子光莒子邾

子滕子薛伯杞伯小邾子伐鄭 秋公會晉侯宋

公衛侯曹伯齊世子光莒子邾子滕子薛伯杞伯

小邾子伐鄭會于蕭魚

十四年春季孫宿叔老會晉士匄齊人宋人衛人鄭公

孫薑曹人莒人邾人滕人薛人杞人小邾子會吳

于向 夏叔孫豹會晉荀偃齊人宋人衛北宮括

鄭公孫薑曹人莒人邾人滕人薛人杞人小邾子

伐秦

十八年冬公會晉侯宋公衛侯鄭伯曹伯莒子邾子滕

子薛伯杞伯小邾子同圍齊



二十二年夏公會晉侯齊侯宋公衛侯鄭伯曹伯莒子邾

子滕子薛伯杞伯小邾子盟于澶淵

二十四年秋公會晉侯宋公衛侯鄭伯曹伯莒子滕子薛

伯杞伯小邾子于夷儀

二十五年夏公會晉侯宋公衛侯鄭伯邾子莒子滕子薛

伯杞伯小邾子于夷儀

二十九年夏仲孫羯會晉荀盈齊高止宋華定衛世叔儀

鄭公孫段曹人莒人滕人薛人小邾人城杞

三十一年冬晉人齊人宋人衛人鄭人曹人莒人邾人滕

人薛人杞人小邾人會于澶淵宋災故

三十一年冬滕子來會葬

昭三年春滕子原卒夏叔弓如滕葬滕成公

悼公名寧成公子昭四年即位十五年卒

昭四年夏楚子蔡侯陳侯鄭伯許男徐子滕子頓子胡

子沈子小邾子宋世子佐淮夷會于申

十三年秋公會劉子晉侯齊侯宋公衛侯鄭伯曹伯莒

子邾子滕子薛伯杞伯小邾子于平丘八月同盟

于平丘

二十五年夏叔詣會晉趙鞅宋樂大心衛北宮喜鄭游吉

曹人邾人滕人薛人小邾子于黃父

二十七年秋晉士鞅宋樂祁犁衛北宮喜曹人邾人滕人

會于扈

二十八年秋滕子寧卒 冬葬滕悼公

頃公

名結悼公子昭二十九年即位二十三年卒

定四年春公會劉子晉侯宋公蔡侯衛侯陳子鄭伯許

男曹伯莒伯邾子頓子胡子滕子薛伯杞伯小邾

子齊國夏于召陵侵楚

十五年秋滕子來會葬

哀二年夏滕子來朝

四年秋滕子結卒 冬葬滕頃公

隱公

名虞母頃公子哀五年即位七年卒

哀十一年秋滕子虞母卒 冬葬滕隱公

薛

任姓侯爵黃帝之孫顓帝少子陽封于任故以為

姓十二世孫奚仲為夏車正禹封為薛侯在魯國

薛縣薛仲遷于邳十二世仲虺為湯左相復居薛

臣扈祖已皆仲虺之胄也祖已七世孫曰成徙國

于摯更號摯國女太任生周文王武王克商復封

為薛侯齊桓之霸也薛侯不從黜為伯獻公始與

中國盟小國無紀世次不盡知也自仲虺歷三代

凡六十四世至愍侯弘為齊滅唐表云其可記者  
畛生初初生厲侯陵陵生宣武侯房房生哀侯褒  
褒生莊侯元元生平侯貴貴生昭侯直直生襄侯  
夷夷生桓侯辨辨生康侯安興安興生定公箱箱  
生恭侯尚尚生景侯魏魏生宣侯伯勤伯勤生簡  
侯父歡父歡生惠侯夷黃夷黃生靈侯英英生簡  
侯俱俱生隱侯清清生愍侯洪為楚所滅

隱十年春來朝 見滕

莊三十一年夏薛伯卒 築臺于薛

襄元年春圍宋彭城 見滕

二年冬會戚城虎牢 見滕  
五年秋會戚 見滕  
九年冬公會晉侯宋公衛侯曹伯莒子邾子薛伯杞伯  
小邾子齊世子光伐鄭

十年春會柎 冬伐鄭 見滕

十一年夏伐鄭 秋會蕭魚 見滕

十四年春會向 夏伐秦 見滕

十六年春公會晉侯宋公衛侯鄭伯曹伯莒子邾子薛

伯杞伯小邾子于溴梁戊寅大夫盟

十八年冬同圍齊 見滕

二十一年夏盟于澶淵 見滕

二十二年冬公會晉侯齊侯宋公衛侯鄭伯曹伯莒子邾

子薛伯杞伯小邾子于沙隨

二十五年夏會夷儀 見滕

二十九年夏城杞 見滕

三十一年秋會平丘 見滕

三十二年夏會黃父 見滕

三十三年夏薛伯穀卒 秋葬薛獻公

昭三十四年襄公 名定獻公子昭三十年即位

昭三十五年冬仲孫何忌會晉韓不信齊高張宋仲幾衛

世叔申鄭國參曹人莒人薛人杞人小邾人城成

周

定四年春會召陵侵楚 見滕

十二年春薛伯定卒 夏葬薛襄公

薛伯比 襄公子定公十年即位

定十三年冬薛弒其君比

惠公 名夷定十四年即位

哀十年夏薛伯夷卒 秋葬薛惠公

小邾

曹姓子爵出自邾始封君挾之後七世孫夷父顏

有功于周別封其次子友于邾爲附庸國其曾孫  
黎來始見春秋附從齊桓以尊周室命爲小邾子  
其地在東海昌慮縣東北有邾城晉志云蕃縣古  
小邾國隋改曰滕今兗州滕縣東南邾城是也樂  
史云邾城在承縣自小邾子孫穆公之孫惠公以  
下春秋後六世楚滅之

莊五年 秋邾黎來來朝

十五年 秋宋人齊人邾人伐邾

僖七年 夏小邾子來朝

襄二年 冬會戚城虎牢 見滕

七年 夏小邾子來朝

九年 冬伐鄭 見薛

十年 春會祖 冬伐鄭 見滕

十一年 夏伐鄭 冬會蕭魚 見滕

十四年 春會向 夏伐秦 見滕

十八年 冬同圍齊 見滕

二十年 夏盟澶淵 見滕

二十二年 冬會沙隨 見薛

二十四年 秋會夷儀 見滕

二十五年 夏會夷儀 見滕

二十九年夏城杞 見滕

三十一年冬會澶淵宋災故 見滕

昭三年秋小邾子來朝

四年夏會申 見滕

十年秋叔孫婣齊國弱宋華定衛北宮喜鄭罕虎許人

曹人莒人邾人滕人薛人杞人小邾人如晉葬晉

### 平公

十三年秋盟平丘 見滕

十七年春小邾子來朝

二十五年夏會黃父 見滕

三十三年冬城成周 見薛

定四年春會召陵侵楚 見滕

哀四年春宋人執小邾子

十四左傳 春小邾射以句繹來奔

終春秋之世滕朝魯者五薛朝魯者一小邾朝魯者

五滕初稱侯自桓二年始書子薛初稱侯至莊三十

年始書伯說春秋者曰自降也文曰時王所黜也樂

正子記滕侯薛侯旅朝隱公桓王聞之徵朝滕以子

往薛以霸往王怒皆黜焉此一證也邠黎來來朝微

國附庸未爵命者也後稱小邾子魯僖公請王進之

也。邾本附庸，可以王命進爵爲子，則滕薛侯爵亦可。以王命降爵爲子，但未知杞初稱侯，至莊二十七年稱伯，而僖二十三年卒稱子，文十年稱伯，而襄二十九年來盟，又稱子，忽升忽降，又誰命之也。滕宣公嬰齊兩朝魯，後同盟于幽，從霸令也。魯僖公時，宋襄執之，以其盟幽之後，不復與盟也。說者遂謂葵丘之會，叛者九國，滕亦其一。然齊桓開霸，九合諸侯，遠若江黃，相繼來盟，滕介齊宋之間，附魯託好，惟恐後命，何至曠三十六年，自外衣裳之會哉。春秋之有會盟，所以控大國，扶小國也。小國不能自通，多附于大國，故

徵會不煩，而諸侯有序。葵丘之盟，盟之大者也。與盟者止八國，杞滕薛不在焉。踐土之盟，亦盟之大者也。與盟者亦止八國，杞滕薛不在焉。此桓文之盛，而小國所賴也。霸政下衰，盟會數而賦役繁，大國庸有不至，而杞滕薛邾諸小國卒奔走不息。宋災細故，爲會而更所喪者十有二國，城杞末務相率而受其功者亦十有二國，甚而晉定召陵之役，王人以下在會者十有八國，煩簡得失，何相殊也。是故盟幽之後，滕滑諸國不更與會，齊實寬之，非滕叛齊，憚於賦令也。宋襄求霸，威執滕子，罪專且濫，旣而滕昭公卒，文公立

宋人乘喪一圍一伐宋文難勝猶襄公乎勝固屬魯  
幽之盟宋桓公爲齊致宋勝遂屬宋齊桓薨而宋襄  
急霸執滕子效滅譚也盟曹南效北杏也勝未嘗背  
宋宋則迫欲得滕易世而兵威洊至勝乃重困然宋  
襄執滕子而身亦見執於楚宋文圍勝而國亦見圍  
於楚以夏虐夏何利之有郕初朝魯莊宋人齊人邾  
人伐之時宋桓從齊方固魯猶不肯會鄆齊桓助宋  
爭郕一以結宋一以脇魯迨僖公睦齊盟會畢從齊  
卽因王命而進郕爲小邾子仍使屬魯逆卽震之順  
卽恩之霸者之用心也魯哀四年宋忽執小邾子春

秋譏焉曰景公之圍曹執邾卽襄公之執滕圍曹也  
齊桓薨則宋襄執滕子晉景弱則宋文圍滕伐滕齊  
景圖霸無成則宋景執小邾子中國無霸小國之憂  
蓋數數矣薛在春秋會盟征伐多與滕同君比之弑  
一書於經敵國外患卒無書焉說者見其終春秋而  
霸國無討則喜薛善自存見其一朝魯而後不復至  
則疑魯久失薛宋仲幾有言曰勝薛郕吾役也宋之  
盟叔孫豹曰勝宋私也旣爲宋役又爲宋私怒而執  
之猶家人然然諸侯朝天子曰正朝朝諸侯曰旁朝  
滕邾諸國不正朝周而旁朝魯託魯重矣其君被執



春秋列國論卷之三  
而魯終不庇又何以令諸侯乎

春秋列國論卷之三終

春秋列國論卷之二十三目錄

邢姬姓  
侯爵

論一則

春秋列國論卷之二十三目錄

春秋列國論卷二十三

明婁東張 溥西銘父著

邢

侯爵姬姓周公之第四子受封于邢其地在廣平襄國縣隋邢州龍崗縣今刑臺縣是其故地後遷夷儀今邢臺縣西一百三十里有夷儀地

莊三十二年 冬狄伐邢

閏元年 春王正月齊人救邢

僖元年 春齊師宋師曹伯次于聶北救邢 夏六月邢

遷於夷儀齊師宋師曹師城邢

僖十年冬公會齊侯宋公陳侯衛侯鄭伯許男邢侯曹

伯于淮

僖八年冬邢人狄人伐衛

僖九年秋衛人伐邢

僖十年秋齊人狄人盟于邢

僖二十五年春正月衛侯燬滅邢

狄人之入中國也。自伐邢始。夫狄之爲國。西南邢衛。東北冀燕。而邢又當狄衛東北二面之衝地。今年伐邢。明年入衛。邢衛之相。爲救非相。爲賜猶虞虢也。齊桓王霸救衛無聞。再馳之。有控于大邦。誰因誰極之。

笑而于邢則汲汲救之。徑一書。齊人救邢。再書。齊師宋師曹師。次于聶北。救邢。三書。邢遷于夷儀。齊師宋師曹師。城邢。不一而足。急存邢而緩存衛。豈齊竟亡衛哉。衛自宣公淫亂。邶鄘載醜。懿公繼立。國勢崩解。倉皇播遷。齊欲救之。一時未及。始聽其廬漕。以俟後舉。邢則衛隣。當狄歸路。倘狄藉入衛之勢。引師襲邢。邢不支而入于狄。則北州一帶。狄得雄行無忌。雖欲兼而存之。邢衛非中國有也。先率宋曹之師。次于聶北。救邢。聶北在邢南三國之師集焉。則狄自衛入邢之衛。可以遏矣。狄師旣遏。然後邢遷夷儀。齊再率二

國之師。城之自東遷。西依山爲固。而後邢屹然立也。邢立而磁澶。雒。聶之間。彼此交應。無憂狄梗。衛因勞來安集。楚丘城焉。桓之救。救實所以存衛。時人見其應之緩也。而遂疑棄衛。非知霸者也。齊桓公薨。五子爭立。邢助無虧。邢狄伐之。邢與衛昔皆仇狄。今邢反助狄伐衛。豈中國無伯。小國之侯。遂不制與。邢自城夷儀以來。大國令盟。未嘗一與獨令。誰請從。春秋方喜其能。令孰意其未几而伐衛也。定之方中。專美文公秉心。塞淵。或稱之矣。邢忽來伐衛國。實忿亦往伐之。左傳云。邢人伐衛。圍菟圃。衛侯以國讓父。兄子弟。

及朝。衆曰。苟能治之。燬請定焉。衆不可。而後師於訾婁狄。師還不云衛大旱。國人請伐邢師。與而雨。殆惡邢無禮。張衛而爲之辭乎。齊狄盟邢。謀衛難也。桓公逐狄以存邢。孝公盟狄以謀衛。齊固不政邢與狄。比狄屢難衛。亦經所惡也。衛文公陰屬其臣。掖殺國子。遂至滅邢。彼蓋得國中之虛譽。納二禮之狡。謀一鼓而殲。疑敵霸然。然不仁甚矣。衛爲康叔之後。魯之同姓。邢爲周公之胤。又魯之同宗也。滅邢之舉。以春秋視之。則衛滅同姓。以魯之春秋視之。則衛滅魯之同宗。狄之入衛也。魯奉齊命爲衛城。楚丘矣。衛戌公之。

春秋列國論卷之二十三  
爲晉執也。魯嘗爲之納玉於王，與晉侯而請歸之矣。邢既同宗，無故而滅晉文方霸，魯獨不可一介赴訴，請其存亡繼絕乎？而竟置不問，是衛滅同姓，魯忘同宗也。齊桓緩救衛，衛猶有望；魯僖竟忘邢，邢能無怨乎？書衛滅邢，春秋之治衛也；書衛侯燬滅邢，魯春秋之治衛也。出師之不能控晉，之不聞僅於春秋，生名焉以執兵之讐，此聖人之權也。

春秋列國論卷之二十三

終

春秋列國論卷之二十四目錄

戎

論一則

狄

論一則

右論二則

春秋列國論卷之二十四目錄

春秋列國論卷之二十四

明 婁東張溥西銘父著

戎

隱二年 春公會戎於潛 秋八月庚辰公及戎盟于唐

九年 左傳 北狄侵鄭鄭伯禦之患戎師公子突曰使勇

而無剛者嘗寇而速去之君為三覆以待之從之戎人之前遇覆者奔祝聃逐之衷戎師前後擊之盡殪戎師大奔十一月甲寅鄭人大敗戎師

七年 冬天王使凡伯來聘戎伐凡伯于楚丘以歸

桓二年 秋公及戎盟于唐

六年 左傳 北戎伐齊齊侯使乞師於鄭鄭太子忽帥師

救齊六月大敗戎師獲其二帥大良少良甲首三百以獻于齊

莊十年夏公追戎于濟西

二十二年冬齊人伐戎

二十四年冬戎侵曹曹羈出奔陳赤歸于曹

二十六年春公伐戎夏公至自伐戎

三十三年冬齊人伐山戎

三十四年六月齊侯來獻戎捷

閔二年左傳春虢公敗犬戎於渭汭

僖二年左傳虢公敗戎於桑田

十年夏齊侯許男伐北戎

十一左傳

夏揚距泉臯伊維之戎同伐京師入王城焚東門王子帶召之也秦晉伐戎以救周秋晉侯平戎于王

十六左傳王以戎難告于齊齊徵諸侯而戍周

二十二年左傳秋秦晉遷陸渾之戎于伊川

三十三年夏四月辛巳晉人及姜戎敗秦于殽

文八年冬十月乙酉公子遂會雒戎盟于暴

十七左傳秋周甘馘敗戎於邠垂

宣三年春楚子伐陸渾之戎

成元年秋王師敗績于茅戎

襄四年左傳

無終子嘉父使孟樂如晉因魏莊子納虎豹

之皮以請和諸戎晉侯曰戎狄無親而貪不  
如伐之魏絳曰和戎有五利焉公說使魏絳  
盟諸戎

五年 左傳 王使王叔陳生懃戎于晉晉人執之士魴如

京師言王叔之貳戎也

昭九左傳 周甘人與晉閻嘉爭閻田晉梁丙張趯率陰

戎伐穎

十六年 楚子誘戎蠻子殺之

十七年 八月晉荀吳帥師滅陸渾之戎

哀四年 夏晉人執戎蠻子赤歸于楚

春秋以前戎見載籍者有曹魏之戎岐踵戎西戎丹

山戎西洛鬼戎燕京之戎余無之戎始呼之戎翳徒  
之戎昆戎離戎犬戎太原之戎條戎姜戎北戎六濟  
之戎而北戎姜戎山戎茅戎六渾之戎獨見于春秋  
左氏所記則又有驪戎陰戎楊拒泉臯伊雒之戎路  
史云戎州巴氏邑在宋之楚丘山戎在漁陽茅戎在  
陝襄戎在秦驪戎在新豐李琪曰戎之類有山戎姜  
戎雒戎而獨名狄者為最强戎患中國久矣隱公之初會  
狄而獨名狄者為最强戎患中國久矣隱公之初會  
戎于潛春秋譏之說經者凜凜華夷以晉五胡唐安  
史為戒然請盟而辭公猶知恥秋而盟唐則禮再失



矣。凡伯聘魯，道過楚丘，伐之以歸。天子之使執于夷狄，魯衛皆不敢問。桓公新立，復尋盟焉。曹羈、曹莊公世子也。曹赤出于戎女，戎挾之以侵曹，羈奔赤歸，遂擅廢置戎之，不逞莫此時爲甚。幸而一挫者，齊桓公力也。魯莊公時，追戎濟西，濟西近魯，戎亦其南來而被追，戎其憊矣。侵曹之役，魯奮出，魯濟之遇，謀戎有成。三臺築而戎備嚴，山陰伐而齊捷告魯，非昔日之魯也。齊亦非昔日之齊也。齊僖之世，北戎來伐，齊乞師于鄭，鄭太子忽大敗戎師，獲其二帥，甲首三百。戎在徐州之域，與齊最近，素不相睦。齊桓圖霸，先近

後遠，規模有漸。魯宋譚遂，郟戎皆其密邇者也。譚遂小國，則滅之以闢土。宋魯大國，則親之以連交。戎未可遽滅，亦不當爲好，則專伐以劫之。一伐不勝，則再伐焉。山戎病燕，齊魯合謀，桓公于是大捷來獻于魯。主兵者齊，獻捷者齊，齊之事魯何其恭也。桓圖諸侯首得宋，次得陳，鄭而最急者，惟親魯伐徐救鄭，皆與魯共。會城濮而伐衛，遇魯濟而伐戎，又卽謀焉。今旣戰勝，假獻捷之名，脩兩君之好，躬造魯庭，成禮而退。此霸者之善下人而能成大功也。魯僖之際，王子帶召楊拒泉、臯伊雒之戎，伐京師入王城，秦晉伐戎以

救周明年王討子帶帶奔齊使管夷吾平戎于王隰  
朋平戎于晉既而兩徵諸侯戍周經皆不書桓德其  
衰乎帶危社稷罪深管蔡戎伐王室禍幾驪山齊莫  
之恤而僅求平天下亦曷取霸爲也春秋于莊公三  
十一年書齊侯來獻戎捷所以大齊僖公十年書齊  
侯許男伐北戎所以隱齊大齊者大其首事于戎既  
捷而霸功皆舉隱齊者隱其無志于戎一伐而兵不  
再出也然齊桓薨時晉惠當國戎始內遷秦戎者晉  
罪不在齊閭田之爭周詹桓伯曰允姓之姦居于瓜  
州惠公歸自秦而誘以來偏我諸姬人我郊甸戎有

中國誰之咎也向之會范宣子執戎子駒支數諸朝  
曰姜戎氏昔秦人迫逐乃祖吾離于瓜州歸我先君  
惠公有不腆之田與女剖分而食之戎依晉晉遷戎  
晉人矜之周人惡之載在簡書不能諱也卽書于經  
者殺之戰晉襄公大敗秦師實及姜戎殺爲晉河外  
虢略之東境晉在其北姜戎在其南因秦人入滑邀  
其歸路犄角取勝也暴之盟公子遂先會晉趙盾盟  
于衡雍卽會雒戎盟于暴晉靈在位趙盾爲政遂欲  
附之暴盟固盾意也雒邑介王都戎醜居之旣不能  
攘而反與盟以此專命其孰珍焉茅戎之戰主師敗

績。繇。晉。侯。使。瑕。嘉。平。戎。單。襄。公。如。晉。拜。成。劉。康。公。徼。戎。而。敗。也。公。羊。氏。憤。王。師。之。辱。遂。起。而。罪。晉。曰。孰。敗。之。蓋。晉。敗。之。此。甚。辭。也。魯。僖。以。來。晉。恃。戎。助。戎。藉。晉。廢。不。侵。不。叛。惟。晉。是。使。周。室。日。偏。實。階。之。厲。卽。魯。昭。十七。年。晉。吳。荀。帥。師。滅。陸。渾。之。戎。伊。川。之。遷。方。病。京。師。一。朝。撲。滅。爲。王。除。患。推。高。厥。功。當。不。異。齊。桓。之。戎。捷。然。晉。頃。滅。戎。怒。其。貳。楚。非。殄。其。患。周。也。況。魏。絳。和。戎。晉。悼。嘉。其。五。利。賜。以。宮。懸。陰。戎。伐。潁。梁。丙。張。趯。率。之。入。爭。陸。渾。雖。滅。而。諸。戎。之。存。者。尚。多。晉。雖。滅。一。陸。渾。而。諸。戎。之。賴。晉。以。存。者。猶。繁。有。徒。乎。魯。宣。三。年。楚。

莊。伐。陸。渾。主。使。人。勞。之。召。陵。城。濮。幾。與。同。功。戎。蠻。戎。之。別。種。猶。赤。狄。之。有。甲。氏。潞。氏。留。吁。舒。之。有。舒。蓼。舒。庸。舒。鳩。也。地。在。申。葉。許。鄭。之。西。南。界。楚。之。白。羽。楚。平。惡。其。從。晉。誘。而。殺。之。及。哀。公。四。年。楚。昭。復。圍。蠻。蠻。氏。潰。子。赤。奔。晉。楚。起。二。師。索。赤。晉。定。執。而。歸。之。晉。文。之。執。曹。伯。畀。宋。人。未。若。是。其。易。也。楚。于。戎。蠻。則。忍。于。陸。渾。則。義。說。者。尚。以。爲。賢。乎。晉。耳。

狄

莊三十一年 冬狄伐邾

閔二十有二月狄入衛

春秋左傳卷三十四 狄

僖八年 夏狄伐晉

十年 狄滅溫 溫子奔衛

十三年 春狄侵衛

十四年 狄侵鄭

十六年 左傳

秋狄侵晉 取狐廚 受鐸涉汾 及昆都 因晉敗也

十八年 狄救齊 冬邢人狄人伐衛

二十年 秋齊人狄人盟于邢

二十一年 春狄侵衛

二十四年 夏狄伐鄭

三十年 夏狄侵齊

三十二年 夏衛人侵狄 秋衛人及狄盟

三十三年 夏狄侵齊 晉人敗狄于箕

三十四年 夏狄侵齊

三十六年 冬晉狐射姑出奔狄

三十七年 夏狄侵我西鄙

三十九年 夏狄侵齊

四十一年 冬狄侵宋

四十二年 秋狄侵齊 冬十月甲午叔孫得臣敗狄于鹹

四十四年 冬狄侵衛

春秋左傳

卷三十四 狄

七

宣三年 秋赤狄侵齊

四年 夏赤狄侵齊

左傳

秋赤狄伐晉圍懷及邢丘晉侯欲伐之中行桓子曰使疾其民盈其貫將可殪也

左傳

赤狄侵晉取向陰之禾

八年 夏晉師白狄伐秦

十一年 秋晉侯會狄于攢函

左傳

秋赤狄伐晉及清先穀召之也

十五年 六月癸卯晉師滅赤狄潞氏以潞子嬰兒歸

左傳

晉侯使趙同獻狄俘于周

十六年 春王正月晉人滅赤狄甲氏及留吁

成三年 秋晉郤克衛孫良夫伐齊咎如

九年 冬秦人白狄伐晉

十二年 秋晉人敗狄于交剛

襄十年 春白狄來

昭元年 夏晉荀吳帥師敗狄于大鹵

左傳

晉荀吳為會齊師者假道於鮮虞遂入昔陽秋八月壬午滅肥以肥子緜臯歸

冬晉伐鮮虞

左傳

鮮虞人聞晉師之悉起也而不警邊且不脩

備晉荀吳自著雍以上軍侵鮮虞及中人驅  
衝競大獲而歸

十五年 秋晉荀吳帥師伐鮮虞

二十左傳

晉之取鼓也既獻而反鼓子焉又叛於鮮虞  
六月荀吳略東陽使帥偽羅者負甲以息於  
昔陽之門外遂襲鼓滅之以鼓子焉鞅歸使  
涉佗守之

定三左傳

秋九月鮮虞人敗晉師于平中獲晉觀虎恃  
其勇也

四年 秋晉士鞅衛孔圉帥師伐鮮虞

五年 晉士鞅帥師圍鮮虞

哀六 年 春晉趙鞅帥師伐鮮虞

狄之入中國也適當齊桓舉霸之時伐邢入衛齊不  
能禦僅城夷儀楚丘以存二國浸而伐晉滅溫侵衛  
侵鄭終桓之世狄氛自若狄在北境東則入齊之衝  
東南則入宋衛之道西南則入陳鄭之道齊桓以狄  
侵衛之故會諸侯于鹹謀城緣陵衛少狄患狄隨繇  
西道以侵鄭令齊衛相犄角出師以斷其歸狄可以  
創而齊終不發桓之力僅能却戎而不能攘狄也齊  
桓薨五子爭立狄遂救齊洋洋大國霸烈方新即有  
內難伯舅兄弟何難請謁而乃乞狄救狄之救齊以  
救為名實自肆也今年救齊明年伐衛衛者齊所封

乘桓薨而來報也。孝公盟之，邢人助之，狄益無將。于是王室多難，叔帶謀亂，頽叔桃子啟狄伐鄭，即以狄師攻王，出居于鄭。戎狄豺狼，不可以邇。襄王用狄禍，莫烈焉。既而間晉文，有鄭虞則侵齊，乘衛成初歸國，則圍衛，帝丘遷而盟衛，乃成。晉文薨而侵齊，復見四十年間，狄數橫行諸夏，莫與當也。晉襄初立，殽之戰，爲繼霸，箕之戰，爲攘夷，狄深入箕，晉侯敗之，卻缺獲白狄子。春秋大焉，無何侵齊，侵魯，侵宋，侵衛，晉襄沒而狄復逞也。魯自春秋來，間被戎患，未嘗受狄患。魯與狄遠也，今狄越齊衛而侵魯，狄患深矣。叔孫得臣

敗狄于鹹，獲長狄僑如、郟瞞，遂亡。經喜而書之。春秋之世，與戎狄相終始，齊晉之霸，必先制戎狄，後可爲盟主。然戎散居四方，勢分易弱，狄獨倔强于北方，力并難柔。以兩漢觀之，狄其匈奴也，戎其羌戎也，匈奴盛于羌，戎猶狄強于戎也。經書齊侯來獻戎捷，大齊之却戎也。書晉人敗狄于箕，叔孫得臣敗狄于鹹，大晉魯之攘狄也。戎之服易齊，一創而患，卽衰狄之服難。晉一創之，魯再創之，而禍猶未艾。然敗鹹以後，狄勢亦分，赤狄、白狄見于經，而中國之制狄者不一書矣。赤狄兩書，侵齊，赤狄之強也。晉使白狄伐秦，晉成

春秋及國論卷三十四  
公交赤狄以制白狄也攢函之會晉景下狄衆狄服  
之而赤狄乃孤潞子嬰兒敗于荀林父甲氏留吁敗  
于士會而赤狄乃滅狄蓋多種有赤狄有白狄白臯  
落氏曰潞曰甲氏留吁皆赤狄類也曰鼓曰鮮虞曰  
肥皆白狄類也赤狄方強則晉用白狄赤狄既滅則  
晉難白狄用狄而狄分分狄而狄滅漢有兩單于而  
匈奴亂唐有兩可汗而突厥覆率此術也唐咎如赤  
狄之餘郤克孫良夫伐之地在晉東衛西欲盡其種  
也秦人白狄伐晉秦爲楚約白狄爲秦約白狄見赤  
狄之滅知爲晉給故同秦人伐之也交剛之役晉人

敗狄卽會諸侯伐秦晉憤方決狄知懼矣終襄公之  
春秋狄不敢動反一來魯怵于交剛屈柔是尚而晉  
平怒狄難猶未已荀吳率師敗狄大鹵攘狄之效將  
于此終焉狄之方橫也侵晉尚淺久而長驅采徂直  
造于箕臨晉地而戰視晉陽五百里猶門戶也一敗  
之後狄去漸遠赤狄既滅拓地更廣晉遂出而圖狄  
既敗之交剛又敗之大鹵沙澤斥鹵地皆界狄狄之  
要害在晉度內祝駝所謂強以戎索籍談所謂晉居  
深山戎狄與隣至此日而狄地多晉有矣晉懷戎以  
德遷姜戎而分以南鄙之田聽無終子嘉父之言命



魏絳盟諸戎世相莛也威狄則以兵作三行作三軍  
皆以禦狄至于滅潞滅甲滅鼓滅肥務斬艾焉鮮虞  
子姓國狄之別種肥鼓二國其接壤也滅赤狄而及  
廡咎如敗白狄而及鮮虞無俾易種于茲新邑晉之  
謀狄殫矣然四伐鮮虞有敗無勝豈一邑之小能敵  
霸國乎晉業墮權臣擅命荀吳趙鞅之徒貪自封  
殖屢伐中山楚虔之虐吳子之僭畏不復問諸侯盡  
失遠人乃抗強兵游加義弗克也李琪論霸謂齊桓  
縱狄而伯盛晉人治狄而伯衰亦有倣于晉之末造  
詭取肥鼓師老鮮虞政不在君伐小啟玩乎若諸夏  
志又曷可少哉

之君蒙狄患者八國齊主包荒而晉力剪除襄公之  
春秋列國論卷之二十四終

表利及國論卷三十四



